

Frederi Mistral

Nerto



C.I.E.L. d'Oc

Centre International de l'Écrit en Langue d'Oc

3 Place Joffre, 13130 Berre L'Étang
<http://www.lpl.univ-aix.fr/guests/ciel/>

PROULOGUE

Lou Diable porto pèiro
D'escalabra sus lis auturo
Emé la faisso à la centuro
E de canta, lou péu au vènt,
Lou pitre nus, li bras mouvènt,
Mi bèu leitour, acò 's coucagno,
Quand lou matin emé l'eigagno,
Escarrabihon e fan gau.
Mai dóu soulèu quand lou fougau
Vai prene amount la davalado,
Lis estrambord e li gisclado
Molon souto lou jour de Diéu.

Dounc, vous estounés pas se iéu,
Ligant à l'aise ma gavello,
Vous conte vuei uno nouvello
En vers galoi e famihié.
Dins lou Camin dis Abeié,
Au clar país de la Tarasco,
A Mount-Majour, au Trau di Masco,
L'ai acampado, à passa tèms,
E messo en rimo aquest printèms.

Emai lou Diable ié figure,
Mi bèus ami, vous asseure
Que vole ni fantaumeja,
Ni me trufa, ni galeja.
Li bràvi gènt de la coustiero
M'an fa la causo vertadiero:
Mai lou publi, vuei, i'es de fèr
Quand es questioun de Lucifèr;
E forço mounde, que lou Diable
Tiro deja 'mé soun rediable,